

〔續日本後紀仁九〕嘉祥二年八月丙戌、左京人六世善淵王、善水王、常名王、貞固王、有道王、永城王、有敏王、岑雄王、岑行王、弘岑王、忠臣王、正臣王、常影王、茂影王、有統王、有明王、有基王等、賜姓清原真人、

〔續日本後紀仁九〕嘉祥二年十一月壬子、左京人讚岐守從四位下長田王、彈正大弼從四位下岑成王、賜姓清原真人、

〔文德實錄三〕仁壽元年九月乙未、從五位下弘宗王奏、諸子男八人、改其王號、賜姓中原真人、許之、

〔文德實錄五〕仁壽三年八月辛未、五世王正六位上春常王、六世王正六位下田上王、春世王等、並賜姓

文室朝臣、

〔文德實錄七〕齊衡二年十二月辛丑、中務少輔從五位下興峯王、賜姓清原真人、

〔文德實錄八〕齊衡三年六月丁亥、攝津守從五位下益善王、賜姓清原真人、

〔文德實錄八〕齊衡三年十一月辛酉、攝津守從五位上清原真人益吉、散位從五位下仲井王等、賜姓文

室真人、

〔文德實錄十〕天安二年正月壬戌、前長門守從五位下真貞王弟、正六位上清貞王等、賜清原真人姓、

〔三代實錄三〕貞觀元年六月二日丙戌、正六位上秋岡王、秋雄王、良岡王、三常王、德繼王、德成王、無位

廣貞王、廣益王、廣梁王、山村王、高隅王、清隅王、十二人、並賜姓清原真人、一品舍人親王六代之孫也、

〔三代實錄六〕貞觀四年四月廿日戊午、勅參議正四位下行彈正大弼正躬王男散位從五位下住世

王、无位繼世王、基世王、家世王、益世王、助世王、是世王、經世王、並世王、尚世王、行世王、保世王、故從四位

上正行王男高蹈王、高居王、故從四位下雄風王男定相王等十五人、賜姓平朝臣、先是正躬王抗表曰、

正躬聲花無算、德聖罕稱、幸荷不時之崇恩、明參非據之重任、分暉銑樹、託派銀潢、猥負丘山之恩、慙無

塵髮之功、況亦年髮云暮、孫息稍衆、名編宗親之籍、身耗府帑之資、臣雖才質空虛、猶冀破家爲國、思夫

公費、內疚私心、因欲除諸子之王名、與諸臣同齒、列削宗室之繁、蕪省歲時之祿賞、雖至女子、陰留一身、